

懋功縣鄉土志

丑4139

地28e.263
539



懋功縣鄉土志

歷史

本境前清乾隆四十一年置

未置本境以前

唐虞夏商周 無考

春秋戰國 未內屬

秦初通蜀 亦未及此

漢武帝時始通西南夷自雋以東北君長以什數徙笮都最大自笮以東北

君長以什數徙冉駹最大 按懋功縣境即冉駹國後漢書云冉駹其山

有六夷七羌九蠻部落即今各土司也 或謂本境即笮都考華陽國志

雅州山本名印笮山本境適在雅州東北當駹國茲特更正

唐稱冉州括地志云蜀西徼外羌冉州本冉駹國地也後與維州同陷吐番

五代蜀冉維二州併而為一改曰保甯

宋景德初改為威知州

元至元間以州治保甯縣併入疆宇割裂亦非復冉維二州之舊

明洪武初于州境析治保縣

前清順治康熙年間鄂克什土司與兩金土司雜谷土司相繼投誠各給印信號

紙使各管其故地雍正年間省去威州將極東一區併屬茂州乾隆十七年



雜谷安撫司土司不法剽滅之後改土歸流另立為一廳設直隸同知一員轄七土司兩金鄂克什並隸焉四十一年兩金剽滅改土歸流五十年復將鄂克什土司改歸懋功同知管轄雖于雜谷廳稍有劃分而適還丹州與維州之分之舊既置本境以後

前清乾隆四十一年派委總理府同知一員四十九年頒發關防定名懋功廳原名美諾於中華民國三年改名懋功縣

政績錄

道光十八年強丞望泰由陝西進士出身捐廉創建萊竹書院創設水塘創設養濟院創建龍王廟火神廟祈禱晴雨輒應

同治十一年黃丞加焜自行捐廉並勸諭紳商共捐麥糧創設濟倉

光緒六年熊丞暉吉稟請創立學額歲考取進文生二名武生二名蒙前總

督丁文成公奏准

光緒二十七年趙丞權勸捐創設三費局

兵事錄

乾隆十三年歲次戊辰本境土司澤旺為促浸所拘經畧大學士傅恒與提督岳鍾琪率勁旅剿攻克碉卡所向無前即卡窮蹙乞命遂允受降是為

官兵入境之始

三十六年澤旺之子僧格桑反與即卡之子索諾木同惡相濟攻圍鄂克什

佔其境地羈其土司經前總督阿爾泰等往諭罷兵逆首陽奉陰違大學士溫福由滇入蜀統兵進剿即攻克巴郎拉達圍一帶以至資哩官兵前抵路頂宗仍不能進三十七年大學士阿桂即文成公以參贊赴南路統兵于是年冬攻克僧格宗甫半月即乘勝攻克美諾其餘寨落悉傳檄撫定本境初平三十八年夏六月溫福孤軍深入誤墜術中有木果木之變美諾亦尋失海蘭察等退至日隆關高宗純皇帝特派阿桂為定西將軍明亮豐昇額額宜都之孫後晉果毅繼勇公為副將軍並派健銳火器營二千吉林兵二千西安荊州駐防滿兵四千以為之倡阿文成公遂統八旗勁旅進剿于十月二十九日自資哩至美諾五晝夜悉行恢復收公神速本境遂定

耆舊錄

事業

孝友睦婣 缺

任卹類僅有道光十九年陝西客民賈逢源捐銀一千二百五十兩分交五屯發高生息各設義學讀書子弟至今賴之

學問

讀書人少鮮有著述亦無名宦鄉賢忠義節烈等祠

人類

回種四戶共二十一丁口住日隆關陸續遷回懋功屯之營盤街者居多

番種三百六十戶共一千三百八十丁口分住官寨達圍等處俗尚敦樸夏以火麻織布為衣冬以牛羊柔毛織氊為服飲食多用乳酥糝粃啞酒燒酒好誦經屋前多插經布旗杆婚嫁疾病喪葬悉決於喇嘛之索卦喇嘛不生異說番民盡皆恭順儼有不識不知之概

戶口

所屬沃日土司原名鄂克什境內漢民四百七十戶男共一千零一十丁女共六百九十六

口編聯三保夷民三百六十戶男共八百三十丁女共五百五十口分十四寨

暹轄綽斯甲土司

一名綽斯甲布在縣治西北四百餘里詞訟向就近歸綏靖屯審理

境內夷民不分家戶住居帳房日有

遷移難以枚數

氏族

所屬素無大姓

惟陶姓俞姓廖姓兩陳姓族人較繁均於嘉慶道光年間由遂甯安岳德陽樂至等縣遷居縣治承佃土司地土耕種至今人傳五六代其餘賈姓王姓等族均由陝西甘肅遷來開店為生一有倒閉即行轉徙難以枚數

宗教

由陝甘遷來者多奉回教近來陸續遷至懋功屯之新營兩街僅留數家仍奉

其教

夷人盡奉喇嘛黃教未聞黑教

天主耶穌等教前四五年有由灌縣境內奉教之民邀某國教士來者或至牛頭山望見雪嶺中途而返或一到縣履勘屯地實係荒涼不堪棲止遽行言旋者故向未設有教堂亦無教民

實業

士自光緒十四年奏設學額後歷次科歲試廳學取進文生謝永芳等二十四名但名為廳學其實散處五屯者什之四五客籍冒入者什之二三已入學後散之四方者什之一二廳屬不特文生寥寥即監生童生亦罕見現在學堂所延教員校長多係由外請來或借屯屬紳士兼充

農各戶除肩挑背負無恒產者外耕種漢民三百五十戶夷民三百六十戶

工商均無專家夷人不識手藝貿易概係內地漢人來縣作工販賣或春來冬歸或遷徙靡常

地理

縣屬在省城之西一千零四十里

東至斑斕山與汶川縣瓦寺土司交界

南至甲金達山與天全州穆坪土司交界

西至明郭宗與懋功屯交界

北至高店子與撫邊屯交界

原志謂至漢牛日旁山夢筆山者皆兼轄境而言茲特更正

縣屬分為三保六團均在本境之東大水溝團距縣三十里四坪碓團距縣三十五里官寨團距縣四十五里火草溝團距縣七十里達團團距縣九十五里團側有水城溝大營盤日耳寨等處日隆關團距縣一百四十五里團西有沙埧滴水岩等處團東高店子松鱗口直至斑瀾山與瓦寺土司交界

古蹟

距縣四十五里有官寨

即鄂克什土司寨落逆首僧格桑曾佔據之以為巢穴

寨西有龍燈碓

土人相傳未平定金川時胡兵在此歷時甚久

寨東有將軍碑

係陣亡營官袁國璉之弟國璜弟其兄文俗傳為將軍碑

碑側有魚鰍溝

其水常濁

碑東有木樞橋

一名木了橋

距縣九十五里達團團有喇嘛寺一座

每上元節演跳布札聚觀者向多

距縣一百六十五里松林口有石岩

似魚鱗口內有水噴出如霧狂風即起

距縣一百七十里内外有新草坡樹星影等處

土人相傳同治初年有匪人張紫陽聚眾萬餘人在此等處挖金所出甚旺後被夷人率眾擊斃

並將原挖金磚填塞費數十人數十日之力封閉嚴密不易復開現開辦者或尋得其小磚旁洞或按引導去裏面一空或此洞與彼洞挖穿抵遇經年不化積冰徒耗工本間有所得不償所失但其舊住金夫

窩棚尚有砌牆堆石遺址

距縣一百八十里斑瀾山中向陽坪有訥公祠一稱訥公一稱勒公未知孰是祠中

有訥公像門前廊下匾對甚多並弔萬人墳者附懸於此其最警切者有八千里慷慨從軍可憐血灑金川竟向牛頭揮手去一萬人激昂報國但得光

爭銅柱何須馬革裹屍還一聯又雪窖陷英雄拚著捐軀酬聖主金川終
底定追摹遺像慰忠魂又八千里捲甲而來悲歌士多出燕趙一萬人英魂不
昧叱咤間猶作風霆土人相傳過此山不敢作聲即肩輿過搬杵皆須指彈不
敢直喊一有喊聲即風電大起想見英魂毅魄猶有餘怒

山石側有萬人墳枯骨堆成陰雲慘淡罕見晴霽

山

巴郎山一名斑斕山古稱冉駝盤亘八九十里西即縣屬東界汶川

史記西南夷列傳冉駝山

土氣多寒或夏冰猶不釋居人冬則避寒入蜀為傭夏則返其邑累石為室高者至十餘丈今土司所築寨落碉樓其遺制也

山內有水發源由東

而西獨流至明郭宗與撫邊夢筆山下之水合流直趨章谷大河

水

本境鄂克什水

一名冉水

源出冉駝山西流至明郭宗與小金川水

俗稱眼明水發源雜谷蓋州與維州壤地相接

水亦合流眼明水想即冉水之轉音

合流至章谷大金川水併入鑪定河趨雅河歸嘉陵江委直注三

峽入湖

道路

自縣治東行十五里老營場又五里為高店子又十里為小水溝又十五里為官寨

又十里為木南卡又十里為仰天灣又十里為將軍碑又十里為日耳寨又十里為

達圍又十里為廣金坭又十里為滴水岩又十里為沙坭又十里為破寨子又十里

為日隆關又十里為高店子又十里為松林口又十五里為萬人墳即斑斕山西界

過山之東與瓦寺土司境接 惟達園有通天全州小徑地方向背非通衢大路
物產

動物

黃牛 犏牛 毛牛 馬 驢 雪猪 狼 豹 熊 猴 鹿 羊

植物

麥 稞 蕎 豌豆 胡豆 黃豆 黍子 膏粱 芋麥 菜子 葱 蒜
芥 薑 蒜 韭 芹 蘿蔔 菠菜 苜蓿 白瓜 胡麻

礦物

金 銅

以上均係天然產製造之法素未講求動物惟牛羊毛能織氍毹植物惟
膏粱芋麥能製燒酒菜子胡麻能製清油礦物惟金砂能鎔鍊成金易銀餘
法尚待推廣

商務

本境所產之物

貝母 知母 蟲草 麝香 鹿茸 大黃 羌活 棉芪 五貝子 丹皮
木香 赤芍 白芍 各藥材

本境所製之品

惟有夷人能織牛羊毛氍毹等物又能織樺木皮為草帽頂下胎子但不甚多

本境行銷之物

惟茶葉為大宗每年銷引一千張

本境運出之貨物

多在灌縣等處行銷貝母蟲草羌活棉芪等項藥材為大宗麝香次之偶有皮貨運出者甚少數目均以本年所出衰旺為定

邛崃灌縣運入本境之貨物

以布疋鉄器草鞋為大宗鹽米錢紙次之書籍筆墨亦間搭入隨時用竣又出版運不拘數目



古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室